



J. B.-CLIQUE SANTIANS
Alti Garde

ES KÄSCHPERLET

Herreinschpaziert, herreinschpaziert,
s gross Wälttheater isch do,
kemmet iine, hogget aane, dr Käscherli isch ko.
Unser Theäterli spiilt uff dr ganze Wält,
mer käschperle um d Macht und vuyl Gäld.

Feemer znäggscht doch grad in Basel aa,
do kunnt as Käscherli dä syydig Ey(er)maa,
dä het sy Sässel wie s Byysiwätter ergaddered,
em Spezi HaMaTschu hänn nur so d Leffel gfladdered.

Do het s Baudebb Babsy vor Schräge läär gschluggt,
me het dämm Prinzässli nämlig e 2 uff e Rugge druggt,
derzue aane het dä Käscherli in d Luft uuse ballered,
und eso dr beesi Drache in d Wieschti gschallered.

S näggschte Schtiggli, ych sag das no gäärn,
schpiilt nit z Basel, aber z Bäärn.
Dert het soone Käscherli sy Bindeli aanegleggt,
dr Zauberer Blocher isch driiber vor Fraid fasch ver-
eggt.

Ändlig ka äär synere Prinzässin, дәre blonde, dolle,
e Bundesrootsdron vor d Fiess ane rolle.
Trotz allem Käscherle goot das aaber in d Hoose,
e Bärnergrind het das Schätzli uff Ziiri zrugg bloose.

S greeschte Käscherlithheater spiilt äänen am Dyych
im groose Wältpolizistische Ryych,
das Land wo allne wott e Byschpiil sii
läuft sälber gopferdeggel drii.

Deert sait dr Käschi Billy zer Hilly: «Muesch guet
loose,
ych ha ändgiltig gnueg vom ummenander bloose,
y schpiil drumm my Saxophon nur no dehai,
regiere duesch Duu jetze, aber in New York und ellai.»

Druffaabe duet me alle Yankee demograatisch bifääle,
si solle gfelligscht e neye Käscherli go wääle,
äntwääder e Texas Cowboy, wo nit uff 3 ka zelle,
oder dr Vizepreesi, sone diefgfroorene
Subberintellektuelle.

Im ganze Land wird jetze um e jeedi Stimm gworbe,
denn nur dr ainti siigi guet, dr anderer saumässig verdor-
be,
am Färnsee hängge si enander alli Schletterlig a,
me sait dämm Demogratii deert ääne, deert z Amerika.

Am Waaldaag het mes ändlig welle erfaare,
wär dr Ney wird sii vorem Regierigskaare.
Si dien drum gly aafuo, mit dämm Stimme zelle,
si zelle, zelle und zelle und zelle, hänn nimme heere
welle.

Wo d Bschäärig äntlig uss isch ko,
steen die baide Käscherli wie Double do,
denns Volgg het kaine usserkoore,
e jede het sy Waal verloore.

Jetze foot e ryysige Speggdaggel a,
well jede dr Syyg im aigene Sagg wott ha,
ganz Amerika schpanyyflod mit und findets schigg,
dääwääg wird us dämm Land e Banaanerepubligg.

Zerscht dien si noonemool Stimme zelle,
denn sueche si uff de Zeedle an alle Stelle,
obs nit vilicht oder wäägerli halt nit,
no naime e Leechli vonere Waalmaschiine git.

Doch au daas het kai Sääge brocht,
drumm sin die 2 Käscherli e Stueffe heeher blocht,
Zem Kaadi vor d Schmitti sin si mitenand,
jetz soll дәä saage, wär Ooberjehuudi wird im Land.

Druffaabe dien d Grichtsbrofeete sich hailoos schinde,
well si ummsverregge mien e Leesig finde.
Am Ändi expliziere die: «Jetz isch aaber Schluss,
sigg sagg sugg und duu bisch duss!»